



PL
2698
L52
1730
v.15

世若無
所言則
可
則平澤矣

喪廉耻盡亡之高宗稍有血氣者未有不悚然自悔而寢立后之議者也。總因武氏之禍實由于天非人力所能中阻而我輩不肯言天必欲究當日之人臣不能以口舌求之者欲聲大義于天下耳。乃見當日有一肯聲大義之人又責其言之不早諫之不當則當日之遂良反不若李勣許敬宗輩慙慙立后之為愈矣。據胡氏之論謂當諫于武氏長髮之日不當諫于武氏將立之時予謂由此推之又當諫于太宗止殺之日不當諫于高宗議立之時。夫何也太宗覽太

史秘記云。唐三代後。女主武氏當立。因問李淳風。淳風曰。其人已。在宮中。上欲取疑。似者盡殺之。淳風曰。王者不死。殺之無益。若據胡氏所言。必其有前知之術者。而後可。苟能前知。則何不于此時極諫。取武后于宮中而殺之。則禍源滅矣。又安得有長髮入宮之事。令人臣以口舌爭之哉。吾不怪。遂良極諫之太遲。止恨胡氏誕生之不早。使其生于當日。必能以責人者責已。其消武氏之禍于未萌。直彈指間事耳。焉得有濁亂朝堂。貽譏後世之事哉。

趙星垣計以印領流血之諫臣不得後人一字之褒而反加以重貶此志士之所以灰心而謂使我
有身後名不若生前一杯酒非惡名也然其名之
不可必得而反遭拘縶之貶斥也請以杯酒與遂
良補其生前之不足

論盧承慶考功

承慶嘗考內外官有一官督運遭風失米承慶考
之曰監運損糧考中下其人容色自若無言而退
承慶重其雅量改注曰非力所及考中中既無喜
容亦無愧詞又改曰寵辱不驚考中上

笠翁曰盧承慶之變易判語乃出憐才熱腸然心可

古紹村評
無一語不

關至極
筆之立
言可法
萬世常
為世作
矣

卷之十
三
藏板
佳。而事不可法。慮窮後世展轉之門也。凡有自通賄
賂而易下者。為中。中考為上者。皆曰我欲為。慮承慶
耳。是知公者。即私之門。利者。即弊之寶也。無論私弊
不可為。即示公興利之事。亦不得擅創于成法之外
耳。

論漢武帝之憚汲黯。唐元宗之憚張九齡。
汲黯忠直敢諫。上不冠不致見。黯卒出為淮陽太
守。唐元宗時。九齡事無大小。皆力爭之。林甫日夜
短之于上。上遂罷之。

蓋翁曰人臣而為君所憚其忠直無他可知此有得
無失之事也為人君而憚其臣其能勉強從善也可
知其不能中心誠服也亦可知此得失相半之事也
然而人臣見憚于君危道也君憚臣而遠之亦危道
也吾欲天下之為臣者反處于得失相半之地求為
可敬而不可憚為君者反處于有得無失之地但知
其可敬而不知其可憚則上下俱安而明良喜起之
風見矣

論開元賢相

元宗卽位以來所用之相姚崇尚通宋璟尚法張
嘉貞尚吏張說尚文李元紘杜暹尚儉韓休張九
齡尚直各有所長也

賈石公評

開元之治

姚崇宋璟

等數君子

謀之不止

天寶之亂

林甫國忠

兩小人成

之有餘望

爲斯言可

使後世人

君通身汗

笠翁曰爲君者得賢臣不易得賢相更不易舜有臣
五人武王有亂臣十人雖曰英賢輩出然皆臣也未
必其皆相也以宰相之賢而相繼者至有數十輩則
造物之精華之所蓄已一洩而無餘矣此非國家之
福也唐開元諸相如姚崇宋璟張說韓休張九齡輩
雖不可以五人十人相比然而賢相之名皆能不媿

噫秦漢以來于斯爲盛殆不可繼矣。豈非世道之憂乎。未幾九齡罷而李林甫卽出。以數君子謀之不足者。一小人壞之。而有餘天寶之亂禍。不旋踵豈非盛極必衰之所致歟。故從來論開元賢相者。莫不加以贊歎之詞。獨予閱史至此。大有愀然之色。知唐家德薄不能載此厚福。而使之相繼于不衰也。

論唐因鵲巢獄樹賜牛李爲國公

元宗時徐嶠奏云。獄院由來殺氣太甚。鳥鵲不棲。今有鵲巢樹。舍歲天下斷死刑五十八人。幾致刑

措矣。百官表賀。上歸功宰輔。賜李林甫爵晉國公。
牛仙客。幽國公。

笠翁曰。鵠巢獄樹。未必卽是休徵。卽是休徵。恐亦非
寬刑所致。卽是寬刑所致。亦未必皆宰輔之功。乃聽
譏臣獻媚。附勢于權奸。封牛李晉爵國公。朝政之失。
未有甚于此者。且無論此際之死刑。果能不越五十
八人之外否。卽曰罪止于此。則唐家此等異政。不自
元宗始也。太宗時。歲斷死刑者。纔二十九人。是此數
已倍之矣。減其半者。進爵爲公。則倍之者。又當進爵。

為王矣。彼時之宰輔為誰？何不聞有半秩之加也？
由此而進焉，果至刑措，則為君者又不將禪位于其
臣乎？此等惡政，出之他人，猶不足怪，乃以開元盛治
之君，一旦蒙昧，若是此讀古者，不能不為痛惜耳。

黃石公評貞觀四年斷死刑，僅二十九人，蓋由魏徵為相，勸太宗以仁恩天下。故貞觀刑措，唐書編入魏徵傳中。若開元二十七年之鶴鳴大理，蓋亦由姚崇、宋璟、張九齡、韓休為相，玄宗自道宗令之，致乃以此爵林甫，豈非以黃太子汲鄂光兩王之功，謂國平亂民實根于家無亂子乎？

論唐兵三變唐文三變

唐兵三變者，府兵變為彍騎，彍騎變為藩鎮也。初

制諸衛府兵有爲兵之利無養兵之害田不井而
兵藏于民後世最近古而便于國者也開元之時
其法寢廢非法之不善人失之也張說不究其故
而募兵補之謂之曠騎又其壞也李林甫停上下
魚書但有兵額存耳于是外兵強盛其反者以鎮
兵討平之者亦以鎮兵而居重厭輕之意不復存
矣唐文三變者先儒謂高祖太宗大難始平汾江
左餘風絺章繪句搢合低昂故王楊爲之伯元宗
好經術羣臣稍厭雕琢索理致崇雅黜浮氣溢雄

弁溪心評

唐兵愈變

愈弱唐文

愈變愈雄

與文盛則

武衰或衰

則武盛皆

眼前最確

最巧之語

却從未經

渾則燕許擅其宗大曆貞元間美才輩出嘯嘽道
真涵泳聖涯于是韓愈唱之柳宗元皇甫湜李翱
等和之排逐百家法度森嚴抵牾晉魏上軋漢周
唐之文宛然為一王法此其極也

立翁曰唐兵愈變而愈弱唐文愈變而愈雄由此觀
之則文運關乎世運之言幾不謬矣其故何哉曰尙
武之世文運必衰以士君子耻弄毛錐盡以建功立
業為志故文風之不競兵氣有以勝之也賤武之朝
文運必盛以士大夫厭談兵事各以著書立言為心

[illegible]

散文名之不著。兵氣有以成之也。有唐建國之初。諸路皆置節度使。其威權等于諸侯。非精通豹畧者。不足以克其選。是時在位諸臣。莫不停文講武。恐一日陞遷。此職將有以用之也。雖諸路節度亦嘗延攬儒流以備顧問。然而所談者皆兵。非文章翰墨之事也。世之所尚在此。人之所趨卽在此。文運安得不寢弱乎。迨至一變再變之後。其折衝果毅。歷年不遷。士大夫皆耻爲之。而驍騎應募者。又皆市井無賴。是運籌操戈之事。皆爲正人所鄙。三餐之一枕之餘。將何

所事事。不得不以英雄壯志。消磨于硯田筆塚之間。習此者多。則能此者出矣。文選又安得不驟振乎。此唐兵與唐文盛衰不合之故。由是觀之。則文章太盛。亦世道之憂也。爲君相者。當使文人無暇著書。而將士不徒講武。則天下可以久安而長治矣。

王望如評文衰則武盛。文盛則武衰。族論寔至論。予以唐文之雄。無過韓子。以彼佐晉。公平淮蔡。及宣諭王庭。奏數語。豈得以文人目之。若夫平頰上。與漢諸爭。卷攝服天下。奸邪誰謂。文人無補于武事。

論唐之再失河朔不能復取

再失河朔實由于順宗銷兵從蕭俛段文昌之議也。每歲百人之中限八人逃死。

笠翁曰古來銷兵之法未有善于蕭俛段文昌之議者也。古人縱馬華山放牛桃林賣劍買牛賣刀買犢法雖善矣而于銷兵二字終無實際何也。以存放之縱之賣之之人卽有收之獲之買之之人一旦有事則取之如寄。是有銷兵之名而未有銷兵之實也。不若蕭段所立之法限以逃死逃則去而不返死則絕而弗生。是以破釜焚舟之計而創用之者也。以此

鋤兵始爲刈草除根之法。但須再立一法以佐之一。
日軍士有病不許服藥。二日盜賊有盜不得捕。勦如。
是則兵有所歸而逃者衆。病無所救而死者繁矣。不。
然死生有數焉。能限以必死歸。栖無地焉能責其必。
逃乎。噫。吾不料人臣之喪心病狂。遂至于此也。此法。
一立。則唐之滅亡。當不旋踵。奈何止失河北而已哉。
由此觀之。古來可以失國之君。儘有徵待而存者。但。
不過百中之一耳。

方坦菴評笠翁嘗謂予曰。每讀古人書。輒動勝慨。
氣不知古人作事之謬。何損于我。而若何利於我。

庸之痛也。子曰：此正吾儕得力處。凡讀書而
其益者皆膜視。古人之過也。苟能拾千石世之
爲一家而憂其所憂樂其所樂則死而可活而
人可仙矣。何得失之不明而休咎之不驗哉。
曰：誠哉是言。但可爲知者道耳。今讀是論始予
笑而終于怒。怒是眞能家視古今而爲世用之憤
又不止動於氣矣。
其竿頭更進之驗哉。

論郭子儀不却魚朝恩之邀

郭子儀入朝。魚朝恩邀之遊章敬寺。元載慮其結
密。使告子儀曰：朝恩謀不利于公。子儀不聽。將士
請裹甲以從。子儀曰：我國之大臣。彼無天子之命。
安敢害我。若受命而來。汝曹欲何爲。乃從。家僮數

米
地
子

卷之四

卷三

11

芥子園

之心者也。
前有忠武。
後有魏公。
嗚呼盛哉。

全宋別集

卷之十

五三

藏板

而行耳。若他日之單騎見幽。則全以胆勝。此千古來第一險事。只可子儀一試。不可他人再試也。

笠翁又曰。魚朝恩之初意。未必不欲害汾陽。見其無備而至。又曰。恐煩公經營。未免為盛德所阻。反動手不得。亦未可知。如犬欲噬人。見人持棒擊之。則咆哮愈甚。若袖手而前。反若與之相狎者。彼必漸噤其聲。而且作搖尾乞憐之狀矣。物理人情。大牛相類。汾陽此舉。雖是感人以誠。亦深得袖手待犬之法。

論唐相楊綰而郭令公減樂黎幹省騶崔寬毀

第

代宗相楊綰制下之日。郭子儀方宴客。聞之。減座。中聲樂五分之四。黎幹省。聽從崔寬毀第舍。皆以綰性清儉故也。胡致堂謂郭公黎幹崔寬事類而情殊。子儀成人之美者也。幹與寬則畏之者也。謂幹寬有仰德服化之心者。非謂子儀有惕威蹏蹠之態者。亦非也。

黃石公評

天官書上

將次將並

謙于文

笠翁曰。人謂令公此舉。非有所備。蓋欲成人之美也。予曰不然。令公一生。最怕宰相不獨楊綰。盧杞亦然。

笠翁文集

卷二十一

五

芥子園

明倫彙編
功宜無不
本于文德
者必功高
震主者
其近于主
者必分陽
威勢也
也而非徒
職慎望
以廉簡對
強夫亦忠
之希矣

他日盧杞問疾于儀悉屏侍者或偵其故于儀曰杞
貌醜而心險婦人見之必笑杞柄權吾族無遺類矣
以此觀之于儀非慮杞也慮其為宰相也小人且然
况君子乎其所以為此者蓋欲修好于宰相也其欲
修好于宰相而不敢稍忤其意者惟恐將相不和而
為強寇所伺也吾聞于儀常日以身係天下之安危
者三十年則此三十年間之于儀固不可一日無權
而亦不可一日與相臣有隙者也彼時之天下是何
如之天下乎以勢論之猶不止于秦趙相圖而有相

如爲相。廉頗爲將之時也。此時爲將之子儀卽當時
爲相之相。如耳。當時爲相者可以見相于將。則此時
爲將者獨不可見相于相乎。千古上下實有同心。但
未遇明眼人。一拈出耳。若僅曰成人之美。故減聲樂
而使人效之。則亦淺之乎視令公矣。

論常袞崔祐甫爲相用人得失

唐至德以來。天下用兵。官爵冗濫。及常袞爲相。思
革其弊。四方奏請一切不與。而無所甄別。賢愚同
滯。崔祐甫代之。欲收時望。推薦引拔。常無虛日作

笠翁別集 卷之八

五

藏板

相未二百日除官八百人前後相矯上常謂祐甫
曰人或謗卿所用多涉親故何也對曰臣爲陛下
選擇百官不敢不詳慎苟生平未之識何以諳其
才行而用之上以爲然

陳伯璣評

崔常用人

之矯千古

所知其所

以不得不

矯之故則

非笠翁不

能道破古

人之待

翁若大旱

笠翁曰崔常二公用人之矯皆處于不得不矯之勢
非無故而爲異同者比也袞處官爵濫冗之後則天
下官多而民少矣若不暫停甄別則日多一日焉得
有如許之官爵乎祐甫當人才淹抑之後則職曠而
才壅矣若不彙征而進則年曠一年不幾成草昧之

之。至。兩。也。
吾。知。其。屬。
筆。滿。墨。之。
時。後。漢。書。
而。皆。人。也。
宋。人。也。
部。以。史。
實。不。完。
山。有。學。氣。
于。施。而。不。
使。取。者。

世。界。乎。作。相。采。二。百。日。除。官。八。百。人。人。病。其。多。吾。怪。其。少。也。以。在。久。不。甄。別。賢。愚。其。滯。之。後。耳。故。知。二。公。之。矯。亦。得。勢。使。然。非。盡。通。滯。不。均。之。過。也。不。獨。崔。常。之。世。為。然。凡。處。變。亂。之。後。及。鼎。革。之。餘。天。下。人。才。定。有。一。番。疏。通。疏。通。之。後。定。有。一。番。淹。抑。此。非。躬。逢。其。事。者。不。知。也。欲。去。此。弊。須。在。疏。通。之。際。預。為。淹。抑。之。防。淹。抑。之。時。即。作。疏。通。之。計。則。無。過。濫。過。客。之。虞。矣。至。于。用。人。之。法。不。行。薦。舉。則。已。如。行。薦。舉。則。避。嫌。避。謗。之。說。斷。斷。無。所。用。之。以。舉。必。于。其。所。知。不。知。則。

不敢妄舉故也。祐甫之言曰：苟生平未之識，何以論其才行而用之？此至論也。但未考其所薦之人，果實負其所薦否耳。吾謂欲行薦舉之法，當使功罪其受薦者有功，卽以其功；功始薦之人，受薦者有罪，卽以其罪。罪始薦之人，若是則欲爲人計者，必先自爲之計。未有不察其人之賢否而肯漫然以身試者也。欲收薦舉之效者，獨有此法可行耳。

論唐李曜告父之反

德宗時，李懷光解奉天圍，上以其子曜爲監察御

史及懷光屯咸陽不進。璠密言于上曰：臣父必負陛下，願早爲之備。上驚曰：卿當爲朕彌縫之。對曰：臣父非不愛臣，臣非不愛其父與宗族也。顧臣力竭，不能回耳。上曰：然則卿何以自處？對曰：臣父敗，則臣與之俱死，使臣賣父求生。陛下亦安用之？及懷光死，璠亦自殺。

方樓詩評
趙也之于
母李璠之
于地皆遺
人倫之大
變難之又

笠翁曰：李璠證父之事，忠則忠矣，如不孝，何據此觀之？則古云：求忠臣必于孝子之門。此語爲不驗矣。予曰：不然。璠能以身殉父，亦可蓋證父之慈，未爲不孝。

難者也。登
翁苦心哉。

但○其○處○君○臣○父○子○之○間○者○皆○未○盡○善○非○但○不○能○爲○至○
孝○亦○且○不○得○爲○純○忠○何○也○等○一○死○耳○何○不○自○殺○于○父○
死○之○前○效○史○魚○之○以○屍○諫○則○國○事○與○家○事○未○必○不○兩○
有○所○補○而○竟○以○有○用○之○軀○死○于○無○用○之○日○乎○設○以○智○
者○處○此○當○于○告○父○必○反○之○後○卽○向○其○君○乞○一○手○詔○自○
往○撫○之○謂○男○不○孝○已○將○大○人○密○謀○直○告○于○君○矣○京○師○
早○爲○之○備○萬○不○可○圖○而○皇○上○憫○男○之○忠○足○以○掩○父○之○
過○及○此○時○歸○正○可○保○不○虞○否○則○悔○無○及○矣○大○人○從○男○
之○諫○國○之○幸○卽○家○之○幸○也○不○然○男○請○先○死○以○贖○不○孝○

之罪亦可爲事君而不能諫父者立一榜樣使後人有所適從耳如是則先知逆謀已洩事必無成且父子不一其心已爲他人所料與其遂過而死無寧悔罪而生或能于國事有裨亦未可知如其不然卽于父前自頸未必不動其哀憫懇艾之心或以不得于生前者得之于死後亦未可知縱使二者俱不得亦能剖心告父以示無他竇父之名庶幾免矣奈何刎頸于事敗之後令世之藉口者皆謂忠孝不能兩全而有順此逆彼之患哉

汪北海評李璣之事與楚棄疾相類然子南之計
出于王之口入于棄疾之耳者也故未討之先棄
疾不可以洩既討之後棄疾不可以生臣父必每
陛下出于李璣之口入于德宗之耳者也允宜
詔諫父諫而不聽以死繼之斯外可對君內可對
親且庶幾父之一悟或可兩全而無憾矣古云非
死之難處死為難璣之死固不得與
棄疾媲美也宜為望翁之所深惜

論陸贄請令臺省長官各舉屬吏

陸贄請令臺省長官各舉其屬或言于上曰諸司
所舉皆有情故或受貨賂不得實才上審諭贄自
今除改卿宜自擇勿任諸司贄上奏其畧曰宰相
不過數人豈能徧諸多士今之宰相即往日臺省

論

德宗

此

能

也

如

可

杞

任

人

長官今日臺省長官乃將來之宰相豈有為長官之時不能舉一二屬吏居宰相之位即可擇千百具僚是以人主擇輔臣輔臣擇庶長庶長擇佐僚將務得人無易于此上竟追前詔不行

笠翁曰陸贄以舉賢之任分責諸司德宗既已行之乃復阻于人言追停前詔人皆病其善疑予獨美其能信何也觀其論贄之言曰自今除改卿宜自擇勿任諸司然則德宗所信者惟宰相一人而已矣與其信百官而疑宰相又不如信宰相而疑百官但觀

好。邪。我。殊。
不。能。豈。不。
誤哉。

全。第。別。集。

卷。之。一。

五。

藏。板。

相。何。如。耳。如。贊。之。爲。相。卽。舉。天。下。之。事。而。畀。之。不。問。
成。敗。利。鈍。亦。未。嘗。不。可。又。何。必。定。以。舉。賢。之。事。分。責。
臺。省。長。官。而。分。其。責。任。乎。予。謂。此。法。可。行。于。他。相。而。
不。必。行。于。陸。贄。柄。國。之。時。以。贄。能。舉。其。所。知。卽。所。不。
知。亦。能。徧。採。輿。論。而。收。其。人。于。夾。袋。之。中。也。但。恐。德。
宗。爲。此。所。謂。暗。合。道。妙。未。必。果。有。所。見。而。然。耳。

論韓愈歐陽修之論陽城

陽城微爲諫議大夫。未至人皆想望風采。及至諸
諫官紛紛言事。城與二弟及客日夜痛飲。人莫能

窺其際韓愈作諍臣論譏之。及陸贄等貶上怒未
解。中外惴恐無敢救者。城率王仲舒等守延英門。
上疏論延齡奸佞。贄等無罪。上怒欲罪之。幸太子
營救得解。時朝夕相延齡。陽城曰。脫以延齡爲相。
城當取白麻壞之。慟哭于廷。乃收城爲國子司業。
歐陽公論曰。韓退之作諍臣論。譏陽城不能極諫。
卒以諫顯。人皆謂城之不諫。蓋有待而然。非也。予
謂退之作論時。城爲諫議已五年。復二年始延辨。
陸贄及沮延齡。纔兩事爾。當德宗時可謂多事付

受失宜叛將強臣羅列天下又多猜忌信任小人
于此之時豈無一事可言而需之七年之久耶且
當時之事豈無急于裴陸兩事者爲諫官七年適
遇兩事一諫而罷以塞其責向使止五六年而遂
遷司業是終無一言而去也何所取哉

笠翁曰陸免于死裴不果相陽城之諫不爲無功但
論者曰向止五六年而遂遷是終無一言而去也此
二語折得人倒予欲代爲致辨終不能措一辭矣但
可爲之解嘲曰與其言之無當徒資聽聞又不如作

寒蟬御史之爲得耳。

笠翁又曰以七年不諫之言官一旦起而論事遂能
免正人于死阻奸人之相與可謂不鳴則已鳴則驚
人者矣然未必非昌黎一激之力古人譏諷之文其
有裨于人也若此後世之人多由譏諷成隙以故逆
耳之言形于楮墨者絕少于此見有唐風氣之醇也
夫使陽城之不諫果爲有符而然則其爲人也猶可
及若爲昌黎所諷不加警悵而又能奮發至此則是
休休有容又能謙謙受益有古相臣之風此盛德君

子之所爲也。其人其品。于是乎不可學矣。歐陽公作論。非之。猶是只知其一。不知其二。

笠翁註前數語者。係予幼時讀韓文。偶批評臣論後。自以爲有得矣。今沉心讀史。復有是論。雖非人之定評。然以今較昔。則覺稍進一籌矣。甚矣天下阿蒙之可笑也。因並列之以爲今是昨非之證。

論杜黃裳請討劉闢。專任高崇文。勿置監軍。

憲宗欲討劉闢。而重于用兵。公卿議者亦以爲蜀險固難取。杜黃裳獨曰。闢狂慝書生。取之如拾芥爾。臣知神策軍使高崇文勇畧可用。願陛下專以軍事委之。勿置監軍。闢必可擒。上從之。于是始用

兵討蜀以至威行兩河

蓋。韓。曰。知。高。崇。文。可。委。而。委。之。可。謂。明。矣。而。又。能。勿。
置。監。軍。是。明。而。繼。之。以。斷。則。亦。何。事。不。可。為。哉。故。知。
天。下。明。易。而。斷。難。善。善。而。不。能。舉。惡。惡。而。不。能。退。郭。
公。之。所。以。亾。也。以。其。多。明。而。少。斷。耳。

余。澹。心。評。不。置。監。軍。此。千。古。用。兵。之。善。策。也。豈。惟。
高。崇。文。哉。後。世。不。察。以。文。制。武。鮮。有。不。敗。以。黃。吻。
小。兒。僥。倖。作。第。一。遂。欲。奔。走。吳。越。此。李。郭。有。是。理。
乎。更。有。以。用。餘。器。制。奪。圖。外。之。權。竊。天。王。之。憲。者。
此。英。雄。所。以。灰。心。志。士。因。之。抑。胸。也。

論帝王勞逸得失

憲宗問自古帝王或勤勞庶政或端拱無爲互有得失何爲而可杜黃裳曰王者夙夜憂勤故不可自暇自逸然上下有分紀綱有序苟慎選賢才而委任之則亦何求不獲哉明主勞于求賢而逸于任人此虞舜所以無爲而治也至漢書獄吏煩細之事各有司存非人主所宜親也昔秦始皇衡石程書魏明帝自按行尚書事隋文衛士傳餐皆無補當時取譏後世其耳目形神非不勤且勞也所務非其道矣

笠翁曰帝王未嘗不勞其勞亦不在始皇諸人之下
但帝王所勞者心而始皇諸人所勞者力耳勞心則
天下易治治則不見其勞勞力則政事愈繁繁故不
見其逸此勞逸得失之所由分也勞于求賢而逸于
任人此所謂善于勞心而一毫不用其力者矣

論李絳之策魏博

田季安卒諸將立其子李吉甫請討絳曰魏博不
必用兵當自歸朝廷今懷諫乳臭子不能自聽斷
不爲屠戮則悉爲俘囚矣旣而懷諫幼弱軍政決

于家僮衆皆憤怒擁田興爲留後興度不免乃
懷諫于外遣監軍以狀聞上謂絳曰卿撫魏博若
符契吉甫請遣中使宣慰以觀變絳曰興奉土地
兵衆坐待詔命不乘此際推心撫納結以大恩必
待敕使至彼持將士表來爲請節鉞然後與之則
是恩出于下非出于上將士爲重朝廷爲輕機會
一失悔之無及上從之

笠翁曰李絳之揣魏博人皆奇之予獨曰此中人之
智耳乳臭子不能聽斷何必上智之人始知之哉予

獨奇其力阻遣使之議。竟以節鉞授之。使恩出于上。權奪于下。此則上智者之所爲也。若稍延數日。制命不下。則請節鉞者至矣。將從之乎。抑拒之乎。拒之則前幾盡失。從之則跋扈如常。愚哉之者。未必皆乳臭子矣。治亂之關。全在此舉。此絳之不可沒也。

論李吉甫李絳之論刑法

李吉甫言于憲宗曰。賞罰人主之二柄。不可偏廢。陛下踐祚以來。惠澤深矣。而威刑未震。中外懈惰。願加嚴以振之。上顧李絳曰。何如。對曰。王者之政。

尚德不尚刑豈可捨成康文景而效始皇父子乎

上曰然

笠翁曰以二說相衡凡論古者未有不是絳而非吉

甫者矣然則子產亦賢人也又何故曰唯有德者能

以寬服民其次莫如猛若是則鄭之子產亦猶唐之

李吉甫矣同是一言出之子產則爲是而孔子嘉之

出之吉甫則爲非而千古罪之豈前人若是其幸而

後人若是其不幸歟曰有故焉人但未之思耳人臣

對君之言與對同列之言大有分別非可一詞而立

余澹心評

吉甫爲相

數月移易

數鎮而不

動真大才

也威刑之

言亦救唐

之積弱耳

究竟唐以

優柔委難

而至于此

則豈成康

文景之溫

故緒焉武

侯後主
以申韓
無見也

用之也。子產于子大叔同列之人耳。察其爲人。非能
以寬服民者。故以猛告之。然其猛之爲用。及身焉而
止矣。後之爲政者。未必不以寬濟之。若移此語以告
君。則將著爲令矣。百官奉之。子孫守之。則天下後世
之民焉。有不受其猛之害者哉。秦政之虐。非始皇父
子能爲之。李斯請立嚴法之過也。設李斯不爲是言
焉。知成康之風。不再見于後。文景之化。不預見于前
哉。凡讀古人之書者。皆當以兩事並衡。而索其所以
不同之故。則古人之心思立見。而我之聰明亦與之

俱長矣

論柳宗元以柳易播

憲宗惡王叔文之黨皆以爲遠州刺史宗元得柳州劉禹錫得播州宗元曰播非人所居而夢得親在堂萬無母子俱往理欲請于朝以柳易播中丞裴度亦以禹錫母老爲言得改連州

笠翁曰宗元以柳易播千古稱爲義舉然考之當年實未有其事不過曰欲之而已矣旣曰欲之則僅有其心耳何以遂傳其事而曰以柳易播乎曰我有其

心而人成其事則成其事者之功未必在有其心者
之上以事不能自舉而必待心以舉之耳劉禹錫之
得改連州裴晉公之力也而千古以後不聞人曰晉
公以播易連而但曰宗元以柳易播則以晉公未成
其事而宗元先有其心也然則天下之爲善者何必
定在強有力之人哉果有是心則天地鬼神皆將起
而遂之矣

論裴度上蔡鄆用兵憂勤機畧

裴度纂述蔡鄆用兵事上之憂勤機畧獻之請付

史官憲宗曰如此似出朕志非所欲也弗許先儒
論纂述主德請付史官諂諛者所爲也裴度亦爾
何也曰蔡鄆用兵度實任之功名之際人臣所難
處歸美于上推而弗居度之慮遠矣又載用兵以
來上心憂勤則憲宗憶取之之難必思守之之不
易是乃文類將順實有匡救君子之所爲衆人固
不識也

笠翁曰究竟裴晉公此舉殊屬多事人非聖賢不能
無過果其有過卽當存而弗論不必定爲分解而令

後世藉口之徒引古人之過失以為作奸作惡之資也

楊靜山許人非堯舜豈能事事盡善此千古快論也不意復于笠翁見之子何謂笠翁闢幽扶微焉古人之功也以此觀之又為古人之畏友矣

論柳公綽不誅賊吏而誅舞文者

柳公綽治二吏一犯賊一舞文判曰賊吏犯法法在奸吏犯法法亡竟誅舞文者

笠翁曰柳公之處一吏當則富矣但恐其尚未深思賊吏不舞文其為賊也有幾奸吏不貪賊其為奸也

錢瞻聲評
善曰罪疑
從輕欲輕
其罪但可

示之以疑
一有定論
則雖欲輕
之而不從
矣公綽只
宜隱躍其
詞開以生
路不當與
舞文並較
而明言其
必不當誅
賊吏犯法
而使倖免
法安在哉

何益奸吏犯法法亡則有之矣賊吏犯法法在
未敢信也

笠翁又曰立法不可不嚴行法不可不恕予非不知
之但當恕之于心不當恕之于口慮後世之人引為
成例故也如柳公綽之斷獄誅舞文而不誅賊吏權
其輕重以全好生之心未嘗不可但賊吏犯法法在
一語殊難為訓斯何言也而出諸名宦之口乎詩曰
赫赫師尹民具爾瞻蓋欲其人之慎之也

論司馬公論處郭誼

細伯紫評

教頑叛唐

者誼也殷

頑降唐者

亦誼也然

則頑罪猶

武宗時那洛磁三州降上曰郭誼頑謀主也必梟
劉頑以自贖李德裕曰誠如聖料未幾誼果斬頑
宗族兩頑首降德裕曰劉頑驕子耳阻兵拒命
皆誼為之謀主及勢孤力屈又賣頑以求賞此而
不誅何以懲惡宜及諸軍在境并誼等誅之上曰
朕意亦以為然郭誼等至皆斬之

笠翁曰唐武宗之誅郭誼猶漢高帝之斬丁公而郭
誼可誅之罪猶在丁公之上以丁公之罪止于臨陣
縱逃而郭誼之罪竟至于殺主求賞幾十倍之此而

河省而並
罪斷不可
看丁公一
證可謂山
案難移者
矣

不誅是以叛逆教天下矣。乃後世之人猶有以殺降
罪之者。吾真不解其故。要知武帝所誅誅叛也。非誅
降也。但較之不受其降而舉兵聲罪以誅之者。差有
別耳。

論王式譚兵

浙東亂。夏侯舉式討平之。諸將請曰。某等生長
軍中。久更行陣。今幸得從公破賊。然私有所不論
者。公之始至。軍食方急。而鎮散之何也。式曰。賊聚
穀以誘饑人。吾給之食。則彼不為盜矣。且諸縣無

陸梯霞評

險者不可

再試一語

正須明眼

人點破不

然後世必

有效之者

矣不見牛

守兵賊至則倉庫適空之耳不置烽燧何也武
曰烽燧所以趣救兵也今兵盡行無以繼之徒驚
士民使自潰亂耳使備卒為候騎而少餘兵何也
曰彼勇卒操利兵遇敵且不量力而鬪死則賊
至不知矣皆拜曰非所及也

笠翁曰王式所行之事皆兵家險着而末後一事又
險着中之險着也止可一試不可再試後世行兵者
斷斷不可有此事然又斷斷不可無此心心與此合
即行事或異亦皆有神明不測之幾矣

火一法誤
殺後來庸
將乎

笠翁別集 卷之一

藏板

汪北海評兵猶奕也。兵之有書猶奕之有譜也。奕之妙固寓於譜之中。然執譜以奕。鮮有不駛者。笠翁談兵。每參活著。當是此中第一手。若與王式對局。未審誰先。半子噫。吾不能不避之矣。

論鄭縈進退之際

鄭縈好談諧。常為歇後詩。譏時事。上微為相。縈笑曰。歇後鄭五作宰相。時事可知矣。累辭不獲。乃視事。未幾即致政去。

笠翁曰。人之長短。不可以一事論。要觀其大段。何如耳。如唐之鄭縈。其未用也好為歇後詩。譏訕時事。以此觀之。則亦輕佻狂逞之徒耳。一旦起而為相。去就

之義井然全不似徽後鄭五所為始知章落漢書之士不可以小節拘而可以大任試也。又曰：人皆言存一徽後鄭五于胸中則決無鄙薄人才之事矣。

余澹心評鄭蘊武有知幾之哲遠害之明其談路混跡有所託而然也始為州守能以一州之力博檄斂黃粟兵使母犯境任滿去州雖他盜至不收取所藏庫錢曰鄭使君錢何敢犯其威重如此。此輩碌碌無材者哉。使其食居相位則自馬清道之詩必身試之矣。宋人詩云不是朱三能跋扈只緣鄭五欠經綸寬哉。

五代紀

論郭崇韜之料舉

唐莊宗聞梁欲大舉入寇。召諸將會議。宗翰曰。段
凝本非將材。不能臨機決策。無可畏。降者皆言大
梁無兵。陛下若留兵守魏。固保楊劉。自以精兵與
鄆州合勢。長驅入汴。彼城中空虛。必望風自潰。苟
僞主授首。則諸將自降矣。帝王應運。必有天命在
陛下。勿疑耳。

宗翰曰。郭崇韜料梁以康延孝降唐。言梁兵聚則不
少。分則不多。故也。然安知此語非譎脫爲詐降而行
間。則奈何。末又云。帝王之興。必有天命。是全無一語。

及本國言其制勝者安在而徒然上恃于天下信于人而以其君爲孤注也。唐主亦曰丈夫得則王失則爲鹵此匹夫亡命之言不料出于帝王之口。古云知己知彼百戰百勝。唐之君臣但能知彼而不能知己其能滅梁者幸也。非必勝之道也。後世行兵不當以此爲法。

論康澄論事

明宗時澄上疏曰。國家有不足懼者五。有深可畏者六。陰陽不調不足懼。三辰失行不足懼。小人訛

言不足懼。山崩川涸不足懼。蝨賊傷稼不足懼。賢
人匿藏深可畏。四民遷業深可畏。上下相徇深可
畏。廉耻道消深可畏。毀譽亂真深可畏。直言獲聞
深可畏。不足懼者。願陛下存而勿論。深可畏者。願
陛下修而勿失。唐王優詔獎之。

馮秋水評
其此見解
始可讀古
人書其此
識力始可
論古人事
其此見解
始可作古

笠翁曰。康澄所謂不足懼者。皆深足懼者也。因欲其
言後六事之可畏。姑緩其詞耳。若曰。以如此可懼之
事。較之後六事。尚為不足懼。則其可畏者。為何如之。
可畏哉。若曰。竟不足懼。則是以驕肆導其君矣。然苟

人未作之文

能修其可畏則陰陽自調三辰自若訛言自止山嵐
自安蝨賊自滅我不懼彼而彼且懼我矣卽謂之真
不足懼亦未嘗不可

論桑維翰輔晉

晉新得天下。藩鎮多未服從。或雖服從。反側不安。
兵火之餘。府庫殫竭。民間困窮。而契丹徵求無厭。
維翰勸晉推誠棄怨。以撫藩鎮。卑辭厚禮。以奉契
丹。訓卒繕兵。以修武備。務農桑。以實倉廩。通商賈。
以豐貨財。數年之間。中國稍安。

方山評

籌鎮不叛而
奉契丹而
契丹不驕
者以其能
訓卒繕兵
以備不虞
務農通商
以自固其
根本耳若
一無所恃
而徒然修
好于人則
撫之適以
亂之奉之
適以驕之
耳桑維翰

全宋文卷之十一

三

藏板

笠翁曰。桑維翰輔晉之功。不及古人之什一。而道足與之相抗者。以所處之時勢不同耳。以五十年之天下。而五易其姓。則四海蒼生。欲求瞬息之安。其可得乎。契丹驕橫于外。藩鎮跳梁于內。維翰欲安其國。則不能安其民。欲安其民。則不能安其國。而能勸主推誠以待藩鎮。卑辭厚禮以奉契丹。又能務農桑通商。賈使萬民樂業。亦一時之周名也。使得湯武之君而相之。烏見其非王者之佐哉。

笠翁又曰。推誠棄怨。以撫藩鎮。卑辭厚禮以奉契丹。

之所長全
在內不
在靖外

皆非久安長治之道。總因其主未出符且其局以待
之。所謂過得一日是一日。過得一年是一年也。

沈因伯評五代之時。局勢幾許英難。如馮道系維
翰之類是也。世無其主。使霸主之估皆不得展其
鴻猷。徒為旦夕偷安之計。由此觀之。過時遇主。四
字非有希世之才。而又有希世之福者。豈得易言
哉。

論晉以馮道守司徒

晉高祖以馮道守司徒。事無巨細悉委于道。嘗訪
以軍謀。對曰。征伐大事。在聖心獨斷。臣書生。惟知
謹守歷代成規而已。晉主以為然。

笠翁曰。謹守歷代成規。是居官最穩着數。而行之五
代更宜何也。不十餘年。而有一番鼎革。若欲代代更
張。則朝廷不勝其繁。而小民不勝其困矣。惟守成規
以待真主。卽是致君澤民之法。唐明宗每夜焚香祝
天。願早生聖人爲中國主。此哲人高見。馮道之謹守
成規。將無暗合其意乎。

梅杓司評論人必先論世。此一定之法也。每見拘
儒立說。執一見以禦千百世之人。則馮道之謹守
成規。與曹叅一遵蕭何舊政。同一轍矣。試問五代
之成規。與蕭何之舊政。有以異乎。無以異乎。諸人
論史。常怪雷同。笠翁論史。求一自合其掌
者。而不得。以諸人皆論人。笠翁獨論世也。

論劉知遠先正位後興師

知遠在河東當疆冠諸鎮晉主與契丹結怨知遠
知其必危而未嘗論諫契丹屢深入知遠初無入
援之志及聞契丹入汴知遠分兵守四境以防侵
軼將佐勸知遠稱尊號知遠不肯曰今契
丹陷京城執天子天下無主主天下者非我王而
誰宜先正位後出師知遠從之

笠翁曰晉室旣滅中原無主知遠先正位而後出師
誠爲萬不得已但其先據富強之資開京師有變而

不入援且知其將危而未嘗論諫皆非人臣所宜有也。綱目予之出于萬不得已以不得已之筆而書不得已之事蓋兩相湊合而然耳豈為應得之書法哉。綱目之文亦有可以為法而實不可以為法者要當識其苦心而已矣。

張夢匪評笠翁之予古人可謂鐵面而鋼肝者矣。不肯放過一人不肯假借一字然皆欲為萬世立綱常非可與才識騷人者比也。其于朱子綱目尚多謬誤之詞况其能乎。惜乎僅有論史之力而無作史之權也。

論劉仁瞻守節

唐壽州城中食盡。唐遣兵救之。周主大破唐兵。清
淮節度使劉仁贍病甚。不知人。監軍使周延構昇
仁贍出降。周主慰勞賜資。復令入城養病。又制曰。
劉仁贍盡忠所事。抗節無虧。前代名臣。幾人堪比。
其以爲天平節度使兼中書令。是日卒。周主復以
清淮軍爲忠正軍。以旌仁贍之節。斷曰。仁贍終身
唐臣。憤已至死。綱目書唐。明其心之爲唐也。故雖
以疾死。而書曰。死之。此特筆也。一人而已矣。
蓋翁曰。以此觀之。知世間原有公道。卽冒忠臣之名。

而爲奸臣之事者。苟非出之于已。天下皆能諒之。其爲忠臣者。自在未嘗。竟以奸臣目之也。劉仁瞻于病不知人之際。爲人昇之出降。周主且以爲天平節度使。則仁瞻是一降城之將矣。馬得爲忠而綱目書以行筆。且譁其自死。而曰死之哉。曰以生前所行之事知之也。當李景兵敗。秦泰科臣而仁瞻獨堅守不下。子崇諫幸其父病。謀與諸將出降。仁瞻知而斬之。及病甚。不知人。監軍使周延彬始昇之出降。則其未嘗降也。明矣。世有後獻其城而先斬其子者哉。且綱目

之特書亦非無據而然也以周世宗既有太平節度之命而又以清淮軍爲忠正軍一事知之也此何以故曰當廷構昇之出降世宗亦知其病不解事雖一息尚存而心已死矣知其已死而復官之者以仁瞻素矢忠義爲民望所歸欲使天下聞之謂忠如仁瞻亦爲周臣則周師之不可敵也明矣授之以職所以收天下之人心也及其死也又不忍沒其忠義之心故改清淮軍爲忠正軍章明其義所以安死者之魂與魄也吾于周主二事均有取焉綱目之特書蓋本

斯意而爲之者也不然。朱子去周二百年安見昇之
出降者非出于仁贍之心而以將無同之特筆書之
須有之善事哉。

笠翁又曰疾死而書曰死之所以抗周世宗之命使
天平節度之名號不能傳于後世也。彼欲矯其跡而
我偏欲正其名。此後世作史之權輿。當日之節賞猶
重耳若無天平節度使之虛銜。吾知綱目之書法定
曰疾死而不曰死之矣。

宋紀

論取天下。上世以德。中世以力。末世以謀。

劉定之論取天下者。上世以德。中世以力。末世以謀。德取者。仁漸義積。而人不忍釋。商周是也。力取者。誅暴鋤亂。而人莫能敵。漢高帝。唐太宗是也。謀取者。逢機遇會。陽施陰設。而人莫能覺。宋太祖是也。周世宗以郭祖妻姪爲養子。而有周之基業。固已處非其據。而來奸雄窺覲之心矣。中道頽殂。孫后入宮。纔十日。恭帝承統。甫七歲。寡婦孤兒之易欺。未有甚于此時者也。是以羣帥合謀。託言有遼。

漢之師而空國授之太祖及陳橋事定何嘗見遼
漢有匹馬隻輪寇遼哉且太祖之入也遣親吏楚
昭輔入報其母杜太后曰吾兒素有大志今果然
矣由此言之謂太祖先不與謀殆未可也

王北山評

宋之取天下全未用力亦未用謀以其腹五代篡奪之風黃袍加身天下不以爲怪異香紫雲

笠翁曰劉氏之論取天下謂上世以德則信然矣至
日申世以力末世以謀以不可分別之二事而強爲
分別之吾則未敢遽信其是也夫以漢高帝之力而
敵項羽是何異于以卵鬪石而以蚊負山乎其能盡
奪所恃而令鹿死吾手者則全以謀也他且勿論卽

韓史臣粉藻之詞既不必信亦不足重也獨是藝祖取天下之後開基忠厚規模宏遠與五代之君臣不同是以壽成三百年之事業中然微歛之慘天亦恢然微孤兒寡婦之雙矣可不戒

陳平之六出奇計韓信之拔幟囊沙何一非謀何者是力而竟置謀弗道僅以力歸之乎唐太宗之謀較漢高帝雖為稍減而能以一計勝人千百計者如推獎李密一事是已若不驕其志而使之自弊則患在肘腋將左支右吾之不暇能悉其全力以圖天下乎卽曰以力亦未嘗盡棄其謀于不講也其言宋太祖之取天下則曰寡婦孤兒之易欺未有甚于此時者矣夫旣曰易欺則其所謂謀者又安所用之哉託言有遼漢之師而攘其兵柄卽使謀出太祖亦探囊取

物之小技耳。較之漢唐二代之奇畧，不幾有小巫大巫之別歟。其所謂以力者，皆可謂之謀。而其所謂以謀者，又不可不謂之力。吾今欲盡反其說，而謂漢唐以謀，宋獨以力，是僅以口給禦人，而不問其理之安與否矣。請銘鑄其詞以斷之曰：能以德取天下者，惟商周之君若漢唐與宋則惟有謀與力而已矣。

論宋太祖得天下

鄭伯乾論宋太祖之得天下。果天命耶抑人謀耶。予曰：天命固有在人，謀不盡無也。觀其赤光與香。

之奇實應明宗之祝紫雲黑龍之祥已兆漢東之
靈此天命之始也而方耳大不見疑于世宗掌軍
報政嘗見推于士卒此天命之著也遭孤兒孺婦
之運而日光摩盪于天文當朝君暮仇之時而人
心易屬于將帥此天命之授受也然而禁兵無無
故之行陳橋無無謀之變顧乃虛聲遜漢之師而
禁兵入其手密誘陳橋之變而諸將餌其心實匡
義之定謀趙普之協力不然身上之黃袍豈臨時
可得袖中之禪詔非倉卒可成况太后有大志果

然一語又可驗其必有成說于先而不覺其情之發露者乎。

笠翁曰以匹夫得天下人臣受禪代而曰我無是意不得已而爲天命所歸者此皆孔子所謂舍曰欲之而必爲之辭者也。卽湯武二聖人得天下于窮暴極虐之桀紂後之君子口雖代爲之辨言其無利天下之心而設身處地以籌之猶若有未必盡然者。況三代以後之天下失之者未必皆桀紂而得之者又未必皆湯武乎。達人讀史每于此等去處只該存而不

論若定曰人力爲非則所謂符讖休徵如
宋太祖之赤光異香紫雲龍諸奇瑞不過當世偶
傳欲神其事者遂筆之書史而後人實未之見不敢
執影響之說尚論古人若曰人力爲有天命爲無則
天下有智謀勇力者多矣挾其所能盡足以取天下
何若是乎天子之少而謀臣勇士之多也由此觀之
無論漢高祖唐太宗宋太祖之得天下屬之天命卽
始皇之代秦王莽之代漢亦以冥冥赫赫之間亦有
若或使之者非可盡言人力也欲存其實但置之弗

論而已矣。凡讀書而及天地鬼神之事，皆當以夢境視之。夢可做，不可說；知說夢者爲何如人，則知言天地鬼神者爲何如人矣。

論趙普之計太原

上與普計下太原。普曰：太原當西北二面，太原若下，則邊患我獨當之。不如俟削平諸國，則彈丸黑子將安逃乎？上曰：吾意正如此，姑試卿耳。

笠翁曰：秦滅五國而後取齊，趙普削平諸國而後取太原，同是一法。但秦之存齊，用以蔽內；趙普之留大

原用以蔽外由是觀之天下之兵法無一不可變可
之者尋常習器稍一轉移便成奇策奈何借等千人
者無一不舍燈覓火而為迂遠不經之事哉

何省齋許翁每談兵事無不神而明之不特其
鼓文場又可詩書千機矣何不另著兵書一冊以
為山士津梁吾知登翁不言言必有中

論趙普之諫太祖

趙普薦人至再四上怒裂其牘普拾以歸他日備
綴復奏得允乃止有羣臣當還官帝惡其人不與
普堅請曰刑以懲惡賞以酬功古今通道也且刑

賞天下之刑。賞陛下。豈得以喜怒專之。帝怒起普。
亦隨之。帝入宮。普立宮門。不去。竟得俞允其剛毅。
果斷類如此。

笠翁曰。趙普薦人裂牘補綴復進。又謂刑賞爲天下
之刑。賞人主不得以喜怒專之。此古今第一宰相第
一諫臣。予自論古以來。謂人臣諫君之痛快。莫若唐
之魏徵。不意趙普之痛快。又足以勝之。此等諫法。無
論明君聖主。不得不從。卽遇昏闇之君。亦能變怒爲
喜。何則。以其耐性故也。他人啓事而不得俞允。非畏

而不前卽怒而求去矣孰肯今日不聽而復奏之明日明日不聽而復奏之後日乎甚至以補袞之心變而爲補牘之事君自怒而我不怒亦且不驚其囁而拾之與立宮門不去者是以賢妻順子之道事其君矣爲之君者有不霽威嚴而爲慈愛者乎此人臣之君第一法乃豫章羅氏猶以許直強勁貴之謂古之善諫者不然吾不知是何肺腸總因趙普所行之事皆古人未嘗行者大凡拘儒論人須是印板判定之事方爲事取苟無成樣未有不爲所棄者也可笑哉

馮秋水評他人日以剛毅果斷責以許直強勁凡
讀史者至此儼若有有一條鉄漢立于吾前是翁
以一語點破斷曰賢妻順子之道又儼然有一佳
兒姪女立于吾前覺暴時認爲鉄漢者非眞鉄漢
乃婦人面貌作鬚眉弱質而勉爲強項者也甚矣
文人之筆實有鬼神造化厠于其間非徒然三寸
管也

論宋太祖之待李漢超

漢超在關南民有訟其強娶已女爲妾及貸民錢
不償者帝召訟者曰汝女可適何人曰農家又問
漢超未至關南時契丹何如對曰歲苦侵暴曰今
復爾耶對曰無也帝曰漢超朕之貴臣汝女爲之

妾不猶愈爲農婦乎。漢超不在關南。汝家尚能保其貨財耶。責其人而遣之。密使諭漢超曰。其女并所貸。朕姑貰汝。勿復爲也。不足于用。何不以告朕耶。漢超感泣。由是益修政理。吏民愛之。

笠翁曰。予觀宋太祖之爲君。蓋三代以後之一人也。不獨漢超感泣。凡爲人臣者。讀史至此。未有不泣下沾襟者。此家庭父子之情。非復嬖倖君臣之道矣。觀其登極之後。待臣如此。則從前之氣誼可知。始哉黃袍之加。出于人情之不能自己。豈尋常勸進者比哉。

論陶邵登第宋主命中書覆試

王祐知貢舉陶穀子邵名在第六上命覆試邵復
登第上曰文衡公器毋樹私恩自今凡關食祿之
家悉宜覆試

笠翁曰讀史至此又能使孤寒泣下世祿子弟不能
律進則九州四海尚有淹抑不伸之寒士乎蓋朝廷
欲賞功自有賞功之物不必奪寒士口中之食以予
之耳吾不知宋太祖之心勝有幾千百箇孔竅而能
有病皆知無私不斯此也

周櫟園評嚴。食祿之家而使登第者覆試此大祖之善惜名器也。然既經覆試而仍復登第則王祐之不樹私恩陶穀之不苟薦託陶邴之不媿科名皆于是乎見矣。一舉而彰衆美爲人臣者亦何憚于功令之嚴而不自惕其心以示天下乎。有宋人文之盛實基于此以開國之君臣皆能逆慮其終而慎之于始也。

論曹彬曹翰之後榮盛衰弱之不同

唐之州郡皆降。獨江州指揮使胡則殺刺史謝彥實。集衆固守。曹翰攻江州。城陷。翰執胡則殺之。因縱兵悉取貲財而盡屠其民。後曹彬子孫貴盛累世。翰歿未久而子孫有爲乞丐者。

傷哉嗜殺
之人子孫
并不能為
乞巧則乞
巧之路亦
嚴且尊矣
為將者不
可不書一
通于座右

笠翁曰曹翰嗜殺而止于子孫式微則其為將也雖

藏板

無善政亦必有補過蓋愆之事矣從來嗜殺之人未
有能全要領使身後之人猶得安然無恙而為乞巧
者試于干戈大定之後洗眼一觀其為大將而酷嗜
殺人者寧有幾人在乎寧有幾個兒孫能為乞巧者
乎吾謂天道好還恐不若是其緩而且恕也

論王旦不諫天書

王欽若偽作天書請帝封禪帝曰王旦得無不可
乎乃以酒賜旦因語曰此酒極佳可歸與妻孥共

之及發皆美珠且山是不敢異議而封禪遂成獨
孫奭曰天何言哉況有書也上默然

笠翁曰天下自有貨利以來人臣之受賂者多矣然
非得之于庶民卽得之于僚屬未有以君而賂其臣
者有之自宋真宗與王旦始封禪之議未成止以王
旦一人之不可爲慮然則此時之王旦亦何強項乎
哉及美珠一賜而不可者變爲無不可矣美珠之力
大矣哉以美珠之賜而遂導其君以封禪設以美女
賜之則其君欲爲酒池肉林裂繒舉燧之事亦將無

不從之矣。豈非千古一變事哉。此下愚不肖者之所爲。不料以賢者爲之。雖曰人非聖賢。孰能無過。然其所謂過者。特徵膏耳。未有如是之大。而且甚者也。他日臨死。謂子曰。我別無過。獨不諫天書一事。予曰。不諫天書之過。猶小受美珠。而不諫天書。其過始無外耳。

余澹心評晉之王導。宋之王旦。皆以奸邪之人。濫冒名臣之目。古今人皆受其欺。第翁拈出受珠以爲大過。真是照妖鏡也。余有古今精義快錄一書。專以闡幽微。邪爲事。將古今人物按針肺肝。毫無隱避。當未出之爲海內諸人下讀也。

論魏野林逋之品行

魏野不求聞達居陝之東郊真宗次陝州遣使令
王希呂之不起命工圖其所居觀之。林逋力學
性恬淡好古結廬西湖之孤山三年足不履城市
帝聞其名賜以粟帛逋將死賦詩有茂陵他日求
遺稿猶喜曾無封禪書之句賜謚和靖先生

吳寶臣評
鮑宣之挽
鹿車劉凝
之之乘蒲
策千古原
有銅鑿斲

笠翁曰魏野林逋之不出鄙當世之君臣也非鄙其
他鄙天書封禪之一事也觀野之辭微有陛下告戒
天地延聘巖藪之句逋之臨絕有茂陵當日求遺稿

翁有破題
林二子確
有大主意
在非徒然
許者流其
得謂處士
盜虛聲也

猶喜曾無封禪書之句。則其不出之意。瞭然矣。吾不解當日之君臣。何所取義。而為此貽笑大方之事也。宋朝話柄。莫醜于此。

笠翁又曰。鳥之將死。其鳴也哀。人之將死。其言也善。觀王旦臨死。謂子曰。我別無過。獨不諫天書一事。林逋臨死。賦詩曰。茂陵他日求遺稿。猶喜曾無封禪書。此皆臨死之言。其為善言可知矣。臨死者。不約而同。皆以封禪為可耻。則封禪之是與不是。不待辨矣。後世之君臣。凡有此事。此者。皆當以二人之語為善。則

笠翁又曰人君之徵賢士重其抱負而將有以用之也。魏野之賢否姑置弗論。即使果賢。與宗召之不起。則當遣使問道。否則索其書而讀之。奈何二者無聞。而僅圖其所居。以備觀覽。豈伊尹之可貴者在莘野。而孔明之足美者在草廬乎。以是知真宗之求賢務外也。非務內也。

論王旦不與張師德知制誥

旦凡薦人人未嘗知張師德兩詣旦門不得見。旦曰。可惜張師德。吾向稱其有士行不意爾及吾門。

也他日議師德知制誥旦以兩及門故不許

沈因伯評

笠翁曰兩及相門固有妨于士行然較之受美珠而

美珠可以

不諫天書又為小過矣旦何刻于繩人而恕于待已

以不諫而

耶有為旦解者曰長者賜少者幼者不敢辭况出于

為張師德

君乎子貶之至再至三無乃過甚乎曰是矣投以木

而及旦門

桃尚思報以瓊瑤况美珠乎受美珠而圖報則惟有

何也非禮

死諫而已奈何不止于不諫復立上表以請之豈受

出之上官

長者不義之賜亦當以不義報之邪張師德兩及旦

云只宜相

門未必非有所規諍吾謂旦之不與知制誥其公私

官放失不

許百姓點

燈此古今

笑
定例也

之間尚未可知故不得不爲三致意耳

論宋理宗訓廉謹刑二銘

理宗御製訓廉銘曰周典六計吏治條陳以廉爲本乃良而循彼肆貪虐與豺虎均肥于其家多瘠吾民縱違于法愧其冠紳貨悖而入筭及後人我朝忠厚黜貪爲仁吝爾羣辟是訓是遵謹刑銘曰民吾同胞疾痛猶已報虐以威刑非得已仰惟祖宗若保赤子明謹庶獄惻怛溫旨金科玉條毫析銖累夫何大吏蔑棄法理逮于郡邑濫用箠笞典

聽朕言式克欽止

笠翁曰。訓廉謹刑二銘。雖詳至諄懇然。猶病其意少。詞多費人記誦。不若繭俸繭祿。民膏民脂。下民易虐。上天難欺。十六字。話在口頭。又能包括殆盡。此千古不朽之規箴也。

元紀

論文天祥之全節

張弘範等既滅宋。遣使送天祥赴燕。天祥八日不食。猶生。乃復食。至京。館人供帳甚盛。天祥不寢處。

坐達旦。丞相字羅名見天並長。并不相字羅詰。以古今興廢。天祥曰。一部十七史。從何處說起。非應博學。宏詞何暇泛論。學羅曰。汝立二王何益。對曰。事君如事親。雖親疾不可救。豈有不進藥之理。乃下之獄。天祥于獄中作正氣歌。留燕三年。坐卧一小樓。足不履地。元主欲用之。對曰。倘緣寬假。得以黃冠歸故鄉。備方外顧問可也。王積翁欲令謝昌言等請釋爲道士。留夢炎不可。事遂寢。帝知其不可屈。將釋之。未幾中山狂人自稱宋主有數于

人欲取文丞相。帝召天祥問以何願。天祥終不屈。請賜死。帝猶未忍。麾之使退。左右立請乃殺于燕。

京之柴市

笠翁曰。歷代死節之臣。未有若宋季之繁者。他且勿論。卽陸秀夫負帝昀同溺。越七日屍浮海上者。十萬餘人。予讀史至此。撲几狂贊曰。失天下者。得此亦榮矣哉。以七歲之幼主。而能繫天下億萬之人心。則其祖若宗之深仁厚德。可槩見矣。漢魏晉唐之失國。能若是哉。至于文丞相之死。不死于八日不食之餘。而

死于三載尚存之後真所謂千錘之鐵百鍊之鋼較
屍浮海上之十萬餘人猶覺忠純而義至何也以其
身死之難由于心死之不易也觀其臨刑謂吏卒曰
吾事畢矣死後得其衣帶中自贊又有而今而後庶
幾無愧一語則知前此一日猶是吾事未畢之前
此一日而死猶不能無媿于其心也知蘇子卿十九
年不屈之心卽知文丞相三年不死之故矣不然其
坐卧一小樓足不履地者甚是無味地爲元地不肯
踐之豈小樓爲蜃氣所結絕無基址落人間而樓上

所食者非繞棟之雲卽沾裳之露乎

論元世祖之待文天祥

吳梅村評

翰林學士

王磐哭文

信公詩曰

大元不殺

文丞相君

義臣忠兩

得之既殺

矣而曰不

殺明其無

殺天祥之

心蓋詩史

也蓋翁此

論止可互

笠翁又曰吾觀元世祖之待文天祥可謂豁達大度之君深仁厚澤之主矣天祥執而逃逃而復執爲張弘範等遣人護送至京此可殺之時也而弗殺館人供帳甚盛待之可謂厚矣天祥不欲寢處坐以達旦且抗詞倨禮以待相臣此又可殺之時也而弗殺他日召之于獄而欲用之天祥固辭不屈此又可殺之時也世祖不惟不殺又復赦之後求南人有才者甚

相發明至
為歷代帝
王後勁一
語尤可作
廿一史經
贊

急遣王積翁諭之。天祥義不受詔。且有黃冠歸故鄉
之請。是欲免脫其身而效從前之故智矣。世祖仍復
不殺。更議釋之。途中山狂人浪播起兵之謠。此時立
取棄市。猶恐其遲。尚諭之曰。汝何願見天祥。不屈請
死。又麾之使出。是始終無殺天祥之心。雖左右力贊
而勉從其請。其殺之也。乃天祥自殺。左右殺之。並非
世祖之心也。噫。以赫赫之元朝。堂堂之新主。何求于
亡國之臣。而委曲優容之。若是不過欲以忠義二字
風示天下之人耳。耳從來創業之主。必有大過于人。

